



**Von Reinicken Fuchs/**  
 Käm er denn nicht so gieng das Recht/  
 Vnd möcht ein vrtheil für sich gehn/  
 Damit man köndt zu Recht bestehn.

Der König sprach: ihr sagt mir fast/  
 Reinicken ist gar ein seltsam Gast/  
 Wer wil ihm nun vertrauwen mehr?  
 Bey ihm ist weder treuw noch ehr/  
 Wer meynt ihr der mehr sey so kühn/  
 Der also wolte wagen thun/  
 Sein Leib vnd Leben an dem Dieb:  
 Ein jeder hat sein Gesundtheit lieb/  
 Ich halt das hie nicht einer sey.

Grimhart sprach zu dem König frey/  
 Herz König / begert ihrs von mir/  
 Die Botschafft wil ich werben schler/  
 Soll auch wol werden außgericht/  
 Aht nicht was mir dardurch geschicht.

Der König sprach: So gehet fort/  
 Ihr habt all diese flag gehort/  
 Seyt nur bedacht vnd seht euch für/  
 Das er euch nicht betriege nur.

Grimhart sprach: Ich setz auff die wag  
 Ich hoff ihn zu bringen zu dem Tag.  
 Damit macht er sich auff die Stross/  
 Vnd fand auch Reinicken in sein Schloss/  
 Zu Malepartus mit Weib vnd Kind/  
 Da warb er seine Botschafft gschwind /  
 Sprach: Reinicken öhm mich wundert sehr/  
 Das ihr so kühn seyt immermehr/

Vnd

107

105

111

101

116

096

156

056

206

006

Ende

Anfang